

Nik, IÑIGO ROLDAN CATALAN jaunak, Oñatiko Udal idazkari naizen honek,

Toki Araubidearen Oinarriak arautzen dituen 7/1985 Legearen 92. bis artikulua eta gaikuntza nazionala duten toki-administrazioko funtzionarioen araubide juridikoa arautzen duen martxoaren 16ko 128/2018 Errege Dekretuaren 3. artikuluan xedatutakoaren arabera

Honako hau EGIAZTATZEN DUT:

Idazkaritza honetan nire ardurapean dauden datuen arabera, **Osoko Bilkurak, 2023ko otsailaren 23an**, ohiko bilkuran, besteak beste, honako erabaki hau hartu zuen, eta hitzez hitz transkribatuta dio:

6.- Onartzea, hala badagokio, Alkateak gai honi buruz egindako proposamena: zirkulazioari eta herri barruko bideen erabilereiz buruzko udal ordenantzari hasierako onarpena ematea, zerbitzuak informazio batzordean diktaminatua 2023ko urtarrilaren 31an.

Adierazi da akats bat dagoela batzordearen datan: 2023ko otsailaren 8an izan beharrean 2023ko urtarrilaren 31an ospatu zen. Behin akatsa momentuan zuzenduta (gai zerrendan eta proposamenean bertan), idazkariak Alkatezaren proposamen hau irakurri du -dagokion batzordeak eman zuen horren gaineko irizpena:

Gaia: Zirkulazioari eta herri barruko bideen erabilereiz buruzko udal ordenantzari hasierako onarpena ematea.

Xabier Berridi jaunak (azpiegitura teknikariak) 2023ko urtarrilaren 31an egindako zerbitzuak batzordearen sinatutako aktak dio:

“Zirkulazioari eta herri barruko bideen erabilereiz buruzko udal ordenantza

Oñatiko udalerriko bideen zirkulazioa eta erabilera egungo egoerara egokitu behar da, trafikoari, ibilgailu motordunen zirkulazioari eta bide segurtasunari buruzko legearen testu bategina onartzen duen 2015eko urriaren 30eko Errege Dekretuak aqintzen duenez. Aipatu dekretuan adierazten da udalek, zirkulazioari buruzko udal ordenantzaren bidez, herri barruko bideen erabilera arautuko dituztela, erabiltzaile guztien artean aparkalekuak modu ekitatiboan banatuz eta ibilgailuen zirkulazioa aritzearekin eta kaleak oinezkoentzat erabiltzearekin bateragarri eginez.

Oñatin ibilgailuen trafikoan izan diren azken aldaketak kontutan hartuta, beharrezkoa ikusi da honen funtzionamendua arautuko duen ordenantza egitea, egun indarrean dagoena zaharkituta geratu baita. Ondorioz, Zirkulazioari eta herri barruko bideen erabilereiz buruzko udal ordenantza berriaren bidez, ibilgailu motordunek eta bizikletek erabiltzen dituzten udal-eskumeneko bideen erabilera arautu nahi da, beti ere, oinezkoen lehenasuna eta segurtasuna bermatuz.

Ordenantzaren tramitazioari dagokion aurretiazko kontsulta publikora ireki eta ekarpenak egiteko abenduaren 7ra arteko epea finkatu zen. Bide batez, ordenantza honi buruzko azalpenak eman ditu Idoia Lazpita udaltzainburuak Batzordean.

Gaia aztertu ondoren eta Zerbitzu Batzordearen irizpena aldekoa dela kontuan hartuz, batzordeak Udal Plenoari eskatzen dio Zirkulazioari eta herri barruko bideen erabilereiz buruzko udal ordenantzari hasierako onarpena ematea.”

Udal honentzat interesgarritzat jotzen da Zirkulazioari eta herri barruko bideen erabilereiz buruzko udal ordenantza onartzea.

Udaleko idazkariaren 7/2023 txostena, otsailaren 20koa, dago espedientearen.

Udalaren Osoko Bilkura da organo eskuduna, Toki Araubidearen Oinarriak arautzen dituen apirilaren 2ko 7/1985 Legearen 22.2.d) eta 49. artikuluen arabera.

Azaldutakoagatik, zerbitzuak batzorde Informatiboaren oniritziarekin, osoko bilkurari honako hau proposatzen diot:

Lehenengoa.- Zirkulazioari eta herri barruko bideen erabilerei buruzko udal ordenantzari hasierako onarpena ematea, espedientearen emandako idazketarekin.

Bigarrena.- Ordenantza hori jendaurrean jartzea eta interesdunei entzutea, Gipuzkoako Aldizkari Ofizialean eta udaletxeko iragarki-oholean hogeita hamar egun balioduneko epean, Udalbatzak ebatziko dituen erreklamazioak edo iradokizunak aurkez ditzaten. Era berean, Udalaren webgunean argitaratuko da epe berdinean. Epe horretan erreklamaziorik edo iradokizunik aurkezten ez bada, behin betiko onartutzat joko da akordioa, Udalbatzak berariazko erabakirik hartu behar izan gabe.

Hirugarrena.- Behin betiko onartu ondoren, arategi hau Gipuzkoako Aldizkari Ofizialean osorik argitaratu eta hurrengo 15 egun balioduneko epean jarriko da indarrean.

Laugarrena.- Erabaki hau teknikari sustatzaileari jakinaraztea.

Bostgarrena.- Alkate-udalburuari ahalmena ematea gai honekin zerikusia duten era guztietako dokumentuak izenpetu eta sinatzeko.

Gaia aztertuta, eta zerbitzuak informazio batzordearen irizpena kontuan hartuz, udalbatza osatzen duten hamazazpi zinegotzietatik hamahiru bertaratuta, alkateak bozketa agindu du. Proposamena zinegotziek aho batez onartu dute.

Ziurtagiri hau dagokion akta onartu baino lehen ematen da, eta ohartarazita geratzen da, 2568/1986 Errege Dekretua, azaroaren 28koa, Toki Erakundearen Antolaketa, Jarduera eta Araubide Juridikoaren Erregelamendua onartzen duen 206 artikulua arabera.

Honela jasota gera dadin eta bere ondorioak izan ditzan hau sinatzen dut sinadura digitalean ageri den datan.

O.E.
ALKATEA

IDAZKARIA

Izaro Elorza Arregui

Iñigo Roldan Catalan

